

禹城縣鄉土志

歷史

邑境建置之始

禹城古祝國也自唐天寶元年始改今名舊境寥濶以今制况之僅古時三分之一未置本境時代

唐虞夏商周

兗州之域 禹貢云濟河為兗州禹兗州也其他散見於水經註地理志者皆為兗州之域

高國 邑地也姜姓黃帝後爵無考

曹國 邑地姬姓高陽氏後侯爵路史云以國為姓為曹姓之始

用國 邑地姬姓爵無考

祝國 邑地姁姓黃帝後史記曰武王封黃帝後於祝戴記曰封黃帝後於薊封

禹城縣鄉土志

堯後於祝或云祝本黃帝後改封薊而又以封堯後也

祝柯 春秋時地入於齊為祝柯春秋傳云宣公二十年諸侯盟於祝柯即此地也

高唐 故城寰宇記在禹城縣南五十里春秋襄公十九年齊夙沙衛奔高唐以叛杜註云高唐在祝阿縣西北

秦

瑗城 路史云禹城西有故轅城寰宇記云瑗在禹城縣南一百里春秋哀公十年晉趙鞅伐齊取黎及瑗杜註云轅即瑗濟南郡禹城瑗池也漢地理志云平原郡有瑗池後改為東順縣此乃王莽東順亭也

漢

祝阿 青州部屬平原縣漢為祝阿置縣為侯國食邑功臣表祝阿侯高邑而又



析其地為阿陽龍頌瑗城至新莽改為安成未久即革

阿陽城 在縣南八里地理志平原郡有阿陽城寰宇記阿陽故城漢縣在廢禹

城西北五十五里隋開皇時於城側掘土得古墓銘阿陽令李君之墓俗訛為

羊洛城

阿陽城 漢書高帝封萬訢為阿陽侯城在縣南七里

楊虛城 水經註河水東分濟又逕楊虛縣之故城東又逕在平城東又東北過

高唐縣今在平縣有楊虛城舊隸禹

東漢

祝阿 東漢青州部屬平原郡復仍舊制為祝阿後漢書封俊為祝阿侯為功臣

采邑

龍頌 漢書武帝紀都尉韓說從大將軍伐匈奴有功封龍頌侯即邑地漢地理

禹城縣鄉土志

志平原郡龍頌縣

祝阿 安王康光武子初封濟南公建武十五年以平原之祝阿安德等六縣益

濟南十七年進王爵

揚虛 馬武光武時以振威將軍擊銅馬隗囂功封揚虛侯

祝阿 張賢順帝時人以宦者與定策功封祝阿侯

三國

高唐亭 魏地理志禹城有高唐亭寰宇記高唐亭城在縣南一百里括地志云

禹城在山莊縣北後魏移於濟北此城是也

三國時地入魏晉屬濟南郡至東晉五胡之亂地入趙入燕入秦北元魏地為齊

州部屬東太原郡繼入齊周青州部屬齊郡

隋

隋青州部仍齊周舊制屬齊郡名祝阿

唐

山茌縣 唐河南道屬濟南郡武德開析祝阿南鄙置山茌縣今長清縣地

豐齊鎮 在祝阿古城西南二里唐武德中置山茌縣天寶元年改豐齊縣移山

茌於漢縣元和十年并山茌豐齊為長清縣

既置本境時代

源陽縣 唐貞觀元年省源陽縣入祝阿城在源陽河側故名天寶元年更名禹

城

禹息城 邑城南有禹息故城未詳建於何年邑乘亦無考寰宇記祝阿縣南三

十里有廢禹息故城水經註禹以息土填洪水以為名山義本取此

皇城 在縣之西南隅地之得名無考

禹城縣鄉土志

三

禹王隄 郡國志在博平縣西南滄家坡經茌平城斷而復續延入長清舊禹城

境內

五代 因革無考

宋

禹城 齊州京東東路屬濟南郡

金

禹城 山東東路屬濟南府天會間偽齊劉豫別析禹城之耿濟鎮為齊河縣

耿濟鎮 東漢耿弇破張步於此濟河而東故名

元

禹城 元山東西道屬曹州

明

國朝

禹城 明屬山東省濟南府

禹城 沿明舊制仍山東省屬濟南府

政績

漢

高 邑漢高帝時人以客從入關為上隊將定魏太原破陘井擊項籍陳豨功封祝阿侯有政績

萬 訖漢高帝時人封阿陽侯有惠政

韓 說漢武帝時人以都尉從大將軍青征匈奴有功封龍頌侯

東漢

安王康光武帝子初封濟南公建武中益以平原之祝阿等縣進爵為王後坐事

禹城縣鄉土志

四

削所益祝阿安德等地肅宗時復還其削地

陳 俊光武時人為安集掾從軍徇河北擊銅馬破張步董憲功封祝阿侯

馬 武光武時人為鎮威將軍以擊隗囂功封揚虛侯

張 賢順帝時人以定策功封祝阿侯

唐

李銑唐將守祝阿拒史思明有功

元

世襲百戶 王德仲 王居敬 王 撰 張哈喇歹 常 通 孫 都

劉 通

明

世襲百戶 劉濟安 劉 温 濟安子 劉謙亨 温子 張思智 柴邦相

劉仲

元 達魯花赤 猶漢語總管也

脫歡察 至元間人

燕帖木兒 大德間人

黑驢 大德間人

阿顏帖木兒 致和間人

縣尹 興利去害

宋公 失名 憲宗時為縣尹有惠政始建邑中文廟

劉事義至正二十八年任縣尹時徭役煩興操之吏手貧富易位民害甚巨公覈

實民丁損益得平勸課農桑野無曠土建社倉額外佐吏資遣入學風俗一變

己亥境內產嘉禾一莖九穗表進於朝皆善政所感也祀邑名宦祠

禹城縣鄉土志

五

趙 杞南宮人至正十年任縣尹公性勤儉時河決禹城屬去河遠調夫役甚急

公為民請命上官允之留公治河事竣歸民焚香迓於路值大兵平徐州海盜

羽檄旁午民甚懼公均其徭役民不驚擾有德政去思碑祀名宦祠

興利

明

李 秦湖廣人天順間知縣事適邑中水旱相仍民困於災賑濟蠲賦民賴以生

見通志

梁 驥成化間知縣事均賦徭節用愛民歲荒賑濟區畫甚悉見通志

周 卿河北延津人嘉靖壬辰進士知縣事敷政以寬利無不興邑人頌之曰嘉

樂以容物含宏以蓄眾容物以大物從而化蓄眾以寬眾從而輯有古循良之

風

堯允和河南汲縣人嘉慶己酉進士知縣事邑中貧戶多通糧歷年加羨餘逃亡愈衆公但征舊額復業者如歸市邑俗尚奢公率之以儉約尤崇正士習培養士氣去之日邑人涕泣屬道而送

節世亨直隸粟水舉人知縣事均徭役賑災荒懲奸吏殫竭心力擢刺清源民如失怙恃為之謠曰鳳苞翩翩實胎民樂泉流涓涓實瘳民瘼翩翩于飛之彼南岡滔滔不回我心悲傷又云清源之水蕩兮子惠之政不與我同畫兮五馬之轂彭彭兮子惠之政不與我同幘兮

宋 儒裕州人嘉靖壬子進士知縣事減差徭民困以蘇招集流亡資以牛種民人歸業者以萬計調崞縣邑人房高等請留不報祀名宦祠

蕭文璧萬曆二十二年知縣事政先平恕持大體凡有益於民者無不殫盡心力於文教尤加意振興後遷濟甯守有去思碑祀名宦祠

禹城縣鄉土志

六

呂 德常州舉人知縣事興學校建義倉修大廟啟聖祠名宦祠鄉賢祠講堂號舍銳於有為士民感之

張永庚字斗樞奉天人自齊河調知縣事甫下車值亢旱萬姓嗷嗷公於南關嶽廟設粥廠全活甚衆捐俸金置學田修學宮邑人德之

王 表字左滄安東衛人知縣事修志乘邑中掌故賴以不泯

李廷樟字榕峯合平進士道光二十六年知縣事愛民如子利無不興邑中水災旱蝗身先丁壯築堤捕蝗日不暇給城東多荒田出資使民間墾與民休息民不忍欺有刑措風以升擢去任士民皆泣

補遺

項 公臨淮人唐大中間為山東濟南曹州東昌三府巡按御史食邑於縣境大

中五年葬於禹城橋北徒駭河東岸墓一土陵人無知者有人掘土見墓銘石
兩方一仰一覆載其祖與其叔父銜名其姑為宣宗貴妃相傳墓內有金玉古
物掘者恐人竊發碎其石未見石銘父老僅傳大概
去害

明

羅公失其名萬厯初知縣事邑近大道差役繁興富者賄免貧者受害公均之富
者服其公貧者樂其惠閭邑稱治

王重賢字子尚正德辛巳進士為濟南同知時有加賦增役之謠一邑騷然公汰
餘銀之浮於額者蠲免絕丁邑人愛戴

任宗美曲州恩貢任禹值旱蝗公禱於城隍廟至誠感神雨降而蝗亦死

張克寬容城舉人萬厯十一年知縣事時差役橫肆為民害公杖斃三人役皆斂

禹城縣鄉土志

迹

孫綸解州舉人知縣事與民休息為政去太甚民皆樂業

韓繩武字紹坡解州舉人知縣事尚寬和靈雨歲大稔公詢民疾苦緩催科民無
凍餒

石聲諧字鳳亭城固人以進士知縣事值歲荒賑恤無失所奸胥顛倒貧富徭役
不均力除其弊

國朝

周士孝乾隆三十三年知縣事懲奸除弊吏畏民懷

曾九皋知縣事人不敢干以私訪民疾苦有冤抑者伸之訟棍絕迹

以上數公皆入名宦祠

袁蘭祥光緒初年知縣事差徭不均為民害公釐正之歲大饑公設粥廠全活甚

衆

聽斷

明

胡守經字桂石三河人知縣事宅心公恕片言折獄人不能欺

國朝

韓錫胙字湘岩青田舉人知縣事聽斷判曲直悉協民情邑多窪地公疏六渠洩水民至今賴之

任 增永城人原籍浙江蕭縣進士知縣事勤於為治坐堂皇自朝至日昃聽斷明允獄無冤抑創建遷善書院

程義莊孝感人乾隆五十六年以教諭擢異任禹聽訟不事桁楊奸偽洞悉民不敢欺人稱神君

禹城縣鄉土志

八

以上諸公皆入名宦祠

孫樹之拔貢道光間知縣事愛民如子聽斷若神訟者不惟不敢欺且不忍欺王成謙廣東舉人咸豐初知縣事性明敏持法仁恕聽訟兩造真偽一訊立判後仕至兵備道

軍事錄

周

丁卯天子東征釣於漯水以祭淑人已巳天子東征食馬於漯水之上見穆天子傳

東漢

光武時耿弇攻張步於祝阿邑城西南十餘里有南營者即二人對壘處也光武謂耿弇曰昔韓信攻歷下以開基今卿攻祝阿以發迹皆齊之西表功足相埒

然韓信攻其已降今卿獨拔勁敵其功尤難於信者即此

隋

祝阿盧明月大業十年起兵衆至四十萬自稱無上王後王世充擊破之今城西
南十餘里有雙廟即明月屯兵處見隋書

唐

桓孝才隋末喪亂立墅於墓側率親屬共守唐武德初大使崔回就墅築源陽城
授孝才為縣令見水經註

明

正德五年流寇劉六劉七犯邑境六年復犯之來往戮掠民死無算

崇禎十年北兵陷城十四年土寇掠邑境民皆逃散晨絕炊煙

國朝

禹城縣鄉土志

九

順治三年土寇攻城不克嘯聚數千人盤踞城南殺掠居人大兵討平之

咸豐四年髮逆林鳳祥據高唐邑與高唐接壤勝帥營駐焉防卒多為害上憲調
林公世祺之任殺亂卒數人攜首級見主帥勝保營卒大譟願得公甘心焉公
神色不變陳害民之狀且上印綬主帥慰遣公而嚴諭士卒有犯軍律者視此
衆股粟民賴以安

同治七年髮逆自直省南竄數往來邑境戮掠甚慘後奔濟陽縣之榆林僧邨剿
平之

光緒己亥拳匪以仇教為名攻韓莊教堂庚子春侵邑西北境龐河即古盤河邑
侯許公源清與袁中丞隊官孟合擊敗之境始安

赫金城歷城人為營汎千總有勇略咸豐末縣署獲巨盜十餘名方欲收禁有數
人入署劫盜赫公聞之乘馬追至西門外竟獲二人以救援不及過害上其事

飭立祠祀之祠在城隍廟南今存
耆舊錄

周

繇駒高唐人邑城西南三十里有繇駒故里

事業

明

牛曾洪武甲戌進士授廣東監察御史有聲譽

蔡英洪武甲戌進士授澄縣知縣有政績祀澄縣名宦祠本邑鄉賢祠

劉網字建極宣德癸丑進士授刑科給事中升禮科都給事中轉陝西布政司左參政進大中大夫資治少尹啟歷中外三十餘年所在有聲性至孝居家甘淡薄多徒行雖遠不辭勞鄉人稱盛德焉祀鄉賢祠

禹城縣鄉土志

十

毛琦河間經歷禎之子成化乙酉舉人授後軍都督府督事陞前軍都督府經

歷掌山海居庸等關及閩廣雲貴之遠府帖陰牒悉去積弊宏治乙卯詔選民家子尚公主琦子九思首選豪貴應選者集京師有中貴語人曰毛氏子誠賢吾能軒輊之弗賄必不庸琦不為動久之中貴求一見琦琦曰屈身以求官吾不為果擯九思有貴官見九思奇之欲聯婚琦曰吾下吏不敢求援繫也入觸貴官怒逐出甲子王陽明先生主山東試舉於鄉祀鄉賢祠

馬肅正統十三年貢授莊浪縣知縣歷任九年考績當擢陞肅力乞歸養莊浪人如失慈母祀莊浪名宦祠

倪俊成化二年貢授榮澤知縣勤於為治聽斷若神獄無冤抑

馬魁字士元成化癸卯舉人感母苦節就職以資祿養除平陽府通判備邊有功陞滄州知州有惠政民感德之陳情終養轉晉藩國史母卒哀毀骨立起復

補魯藩國史疏發王子不法事中貴人左證得誣罔反坐罪繫獄既藩王白其事詔復原官而王子竟置於法人稱忠孝兩全祀鄉賢祠

楊 斐宏治壬子舉人陽曲縣知縣有政績因抗劉瑾謫嵐縣教諭瑾敗起復故官擢知寶豐縣復補武鄉縣

賈 震授華州同知歷西安通判所至有政聲致仕歸甘尚書霖康狀元海均以詩餞公士民榮之

郝宗儒正德庚午舉人任河南縣知縣未三年屢膺擢荐後詔求循吏宗儒稱八郡首賢御記其名將大用之會卒於官

孫德昌字時享元百戶郁之裔少有才華授業於毛琦德業日進屢舉不第正德辛未歲貢任桃源縣丞署縣事革弊澄源賄賂不行刀民馬振大為鄉里害訪知正其罪民婦蔣氏害夫死家富勢將漏網得其狀正法解組歸只餘俸銀九十

十兩圖書數卷祀鄉賢祠

李守正字一之正德丙子舉人以蘭陽教諭擢陝西平涼府通判政平訟理恩威並著將大用之守正曰遠離二親數年不得一面位居極品無謂也致仕歸行

李蕭然家居杜門不入城市流賊陷城守父病不去賊義而釋之卒時無以為殮督學宣城梅公賻助千金祀邑鄉賢蘭陽名宦祠建崇德馨功坊於其里

高 節嘉靖戊子亞元乙未進士巡按浙江威惠大著二十三年日本貢未及期亦無表文部臣不納其人利互市留海濱不去大為民害節奏請治沿海文武將吏罪禁交通得旨允行歷任給事中祀鄉賢祠

劉中立字健甫生而穎敏學使曹雲有人倫鑒見公奇之召肄業於會城書院親課之嘉靖甲子舉人辛未進士授中書舍人治晉藩葬事餽厚幣堅辭不受轉兵科給事中滹沱水溢為畿輔害上章言三事曰復故道曰一事權曰議錢糧

言甚懇切不報時張江陵用事中立為所舉思羅致之卒不屈江陵黨某少司馬盧焄方熾中立抗疏彈之遷禮科右給事中冊封德藩回轉兵科時政尚操切下皆承風屢失江陵意出為陝西右參議政平訟理遷河南按察副使治盜有方轉山西左參政河東礦盜為亂擒誅首惡事平晉大饑區畫荒政全活無算升陝西按察使豪宦以賄求訟事公厲色曰此非暮夜金乎叱之去後聞父訃奔喪抵家觸柱悲號以哀毀過度心痛卒會葬之日哀聲動野呼為劉佛祀鄉賢祠

劉金貢士莊之子萬厯甲戌進士厯任臨汾長垣縣知縣政績卓著行取戶部主事

楊雲鴻萬厯己丑進士授吏科給事中見明史

孫延長萬厯甲辰進士授虞城縣知縣行取刑部主事性鯁介清廉愛民如子

海應捷萬厯戊午舉人授新化知縣有政績

韓養醇萬厯丁卯舉人厯任靜海襄陵知縣行取刑部主事員外郎中陞衢州府知府遺愛在民至今稱之

韓昌穀崇禎癸未進士養醇子太谷縣知縣行取兵部主事員外郎中陞荊州府知府有政聲

國朝

韓昌祉順治間人養醇子以官生補中書陞工部主事員外郎中遷淮安府知府廉幹有為號一門三知府李文襄公之芳書六千石匾以褒之

盧鑄鼎順治壬戌進士淮安府推官聽斷如神人不能欺

高瑩康熙壬戌進士授獻縣知縣廉明為畿輔冠

袁良康熙甲戌進士任長寧襄垣知縣遺愛在民至今稱之

劉振斯士驥孫雍正甲辰進士歷任元謀清流安平知縣廉明公正人稱神君人
兩縣名宦祠

學問

明

于躍淵字從龍生而警敏有識學易於九州滕公序菴李公居業嘉靖壬午游太
學所交皆知名士聲譽日重歸壽母邑人陳鶴重其行誼請於有司將聞於朝
從龍以近名為嫌辭弗居士辰謁選得平湖丞人卑之公曰丞亦親民官也能
不負吾志足矣為政不尚威刑民如其德邑中不知有令而惟丞之頌究經史
大旨旁通醫卜諸書著有周易考未梓

劉士驥字允良中立于萬曆甲辰進士授翰林院檢討時魏璫用事公隱居讀書
學問淵博著有蟋蟀軒草行世

盧九一崇禎間貢九歲通十三經以此為名著有讀孟筆記

國朝

盧允肅雍正癸卯拔貢昌樂教諭著有學庸講義

明 廣字仲居道光癸卯舉人博通經史註五經精義獨闢居喪循古禮巡撫丁
文誠公閱所註五經與制藝求是集歎曰不圖漢儒復見於今延使主講首城
尚志堂堂為先生立名亦為先生命也未到館卒丁公匾其門曰經學傳人文
誠陞川督撫先生文集五經去

何學周乙酉拔貢舉人精邃理學不屑屑於時藝著有性理論讀書法行於世

于配功字子襄制行端方跬步不苟燕居必危坐門之內肅如也補壽張訓道整
躬率士人不敢干以私致仕家居七十餘過里門必下車造次不忘恭敬著有
制義文稿

忠烈

金

馬驥金進士貞祐間為濟陰令有政聲元兵克曹州驥被執不屈遂遇害嘉靖三十五年舉祀鄉賢忠義祠

明

鄭曇由監生任鴻臚寺序班正統十四年土木之變扈駕至兩狼山虎口交牙峪被害祀忠義祠子俊以恩蔭入監授兩淮鹽運知事

陳孟珂父守用任光山縣典史時土寇嘯聚珂隨父奉委剿賊捕斬數十級乘勝進搗巢穴以援兵不至被執到罵賊不屈遇害立廟光山春秋致祭

邵周達閉戶讀書時以先正自方萬厯癸卯領鄉薦

本朝兵巡東省不屈遇害順治二年入祀鄉賢忠義祠

禹城縣鄉土志

十四

國朝

韓元平以武舉任本汛把總從征川楚教匪賊夜劫軍營元平率左右奮擊之斬殺甚眾賊見無繼兵反擊之身中七創而死

補武功

秦大鵬字古塘生有膂力有武弁見而奇之勸之從軍屢立奇功積勳至南直隸州等處總兵都督府右軍都督

陳立功康熙八年從征海寇取漳泉二郡一十九寨金廈二門歷任游擊參副將署福建總兵

陳西園與弟東園皆武庠生同治七年髮逆入境至其村昆仲矢石擊賊其女弟白陳氏亦罵賊不屈同時遇害

韓金甲咸豐壬子武狀元嘗隨僧邸剿賊有功

孝行

明

馬世祿魁之子例貢任河南府檢校魁疏發魯藩王子不法事詔逮獄世祿棄官
踉蹌奔赴具疏哀籲事得白

路瑞任巡檢母老告終養不得棄官歸

邢表兄弟五人表行三事親最孝數十年如一日子潤事表與繼母亦以孝聞邑
侯匾其門曰永世克孝

韓有志幼失恃繼母任撫之成立授簿鄉訓導不能迎養每旦夕望白雲起處輒
悲咽不自勝士大夫作望雲思親圖以慰之

孫承慶前母于不得於姑投井死塋于姓祖塋之側後承慶仍以元配禮遷回與
父合葬不以為生母為嫌里人稱為識大義

禹城縣鄉土志

十五

張學詩未讀書天性孝友父母先後逝世均廬墓三年萬曆九年旌其廬

張思恭事繼母以孝聞

管大韶字宗舜諸生家極貧事父純孝萬曆十三年奉旨建坊於門今猶存

韓之良家貧嗜學事繼母如所生撫諸弟若同胞匾其門曰儒林孝行

國朝

劉波家極貧備身以養親親歿廬墓順治十八年建坊旌其閭

李繼白事親至孝母病篤割股以奉邑侯匾其門曰孝行可風

郭維領父歿廬墓三年

萬景洙邑歲貢事親至孝奉繼母如所生

王曰光監生少孤事母至孝母病願天以身代母夢人語曰念汝子純孝延壽一
紀遂愈後十年無疾而終

周紫蘭庠生父早世事孀母撫幼弟人稱為孝弟兩全

趙長發鄉民也父為讐所殺已復讐以報入城自首邑侯袁公穆蒼廉得其情歎

為奇男子白上憲薄治其罪後赦還

李鳳起字海蓬邑庠生事母純孝十餘年如一日

節烈

宋

崔氏政和中孝女村崔志有女甚孝母病思魚女仿王祥故事果得魚奉母母病

愈人稱為女王祥

國朝

司氏高唐泳洙女許邑于祝養未嫁而夫亡歸事翁姑矢志不二乾隆二十年旌

齊氏幼字王士秀未親迎而士秀夭女年十七歸夫家守志以終

高城縣鄉土志

十一

明

訾氏楊天璽妻夫故矢志終身永樂間旌

司氏舉人馬驄妻驄卒司年二十二歲子魁方週歲守節訓子後魁舉於鄉官至

滄州知州

陳氏李恭妻正德七年流賊犯邑境逼氏不屈死事聞旌其門

于氏劉繼業妻早寡事翁姑孝訓子金登進士邑侯表其門曰節孝雙全

段氏司九敘妻子歸三年九敘卒氏守志撫孤後子成章以恩貢為沈邱縣知縣

督學極其門曰貞節

邱氏蔡文魁妻嫁數月而文魁卒遺腹生子廷錫撫之成立除宣化副使廷錫感

母苦節陳情歸養蒙俞給銀建坊

楊氏張培齡妻培齡歿時氏年二十一歲以死守撫孤子光輔補邑庠生光弼省